



BIBLIOTHEKA
UNIV. JAGELL.
KRAKOWSKA

379855

000000

Mag. St. Dr.


001

1404



379855

III




ALFED

W. A. 274

Claroveit Expeditionis

Super Bone Jure



ROME IN

EX

Cracovien. Exemptionis Super Circumscriptione.

10.
In Rota Diei 14.
Aprilis. 1777. =
Dilata.

Stantibus &c.

Dubium = *An sit locus Circumscriptioni in casu &c.*

Rev. Pater. **Q**uemadmodum observatum fuit in nostro jam distributo Restrictu super exemptione in genere, Pro-mothor Fiscalis Curiae Cracoviensis ab eo instigatus Cyrillo Zuchovvski nostri Ordinis Religioso, non obstantibus Apostolicis Exemptionis Privilegiis, nec obstante pacifica ejusdem Exemptionis Possessione, nec juvantibus demum specialissimis Superiorum Iudicum Inhibitionibus, ausit in Curia sua laceffere Rmum D. Matthæum BuydecKi emeritissimum. Generalem Ordinis SSmi Sepulchri, quasi centenis adversus illum excitatis turbis tum circa temporale, tum circa spirituale ipsius Ordinis gubernium; quodque infandum meminisse est, vices una simul gerens Partis, & Iudicis, non dubitavit, tria evulgare Mandata, primum concernens Prohibitionem Usus Pontificalium; alterum suspensionem Confessariorum Ecclesiae Miechovien, postremum verò respiciens publicationem Censurarum, & Cedulorum Affixionem contra eosdem Generalem, & alios Conventus Miechovien Religiosos, cum adjecta inhibitione Procuratoribus, & Notariis quibuscvis, ne illorum fusciperent aliquam defensionem, ut demonstratum est in præfato nostro Restr. §§. 16. 17. 18., & 19. Horum omnium Actorum jure petitam Circumscriptionem Supremum Signaturæ Tribunal ablegavit etiam Sac. huic Auditorio: Cumque de ea disceptari modo contingat, nil veremur, quin Religiosissimi PP. ad tramites præinserti dubii sint responsuri = *Affirmative* =, velut humillimè deprecamur.

• Et jure quidem, meritoque: Si enim ex Pontificiis Privilegiis vetitum erat = *omnibus Archiepiscopis, Episcopis, & aliis Locorum Ordinariis, ne in Præpositum de Miechovia, Fratres, & alios exemptos hujusmodi Jurisdictionem, Superioritatem, Visitationem, dominium, aut potestatem aliquam exercerent &c.*, Sique illi una cum omnibus Bonis sub B. Petri, & S. Sedis protectione suscepti fuerant, uti egregie testantur tot Apostolicæ, Bullæ, & maximè Leonis Papæ X. ultimo loco confirmatæ ab Innocentio XI. quas plenius recenset idem noster Restr. §§. 35., & sequen.; Si rursus iidem Præpositus, & Fratres in ejusdem exemptionis Possessione tranquille quiescebant, veluti apprimè commonstrant tanti jurisdictionales Actus, tot Episcoporum

disertæ Confessiones, tot validissima, & judicialia Monimenta, ac ipsa præsertim, quæ nulla ratione potest evelli, Rotalis Sententia anni 1760. edita contra Episcopum Præmislensem, & in auctoritatem prolapsa *judicatæ*, quæ omnia fusiori calamo refert *præd. Restr. §. 21. ad 33.* in planum descendit consequens, ut circumscriptionis ope debeat recidi, quidquid à Promethore Cracoviensi gestum fuit contra eosdem Regulares exemptos in spretum Apostolicorum Privilegiorum, & in læsionem pacificæ illorum Possessionis. Quandoquidem si sufficit sola ostensio Privilegii Exemptionis, ad hoc ut Episcopus debeat supersedere, donèc cor. Superiore cognoscatur de jure suo; quanto magis hoc est affirmandum, quando, ut hic, sumus in claris Reum conventum non esse de sua Jurisdictione, ut per hæc verba dixit Rot. in dec. 47. n. 5. & 6 par. 15. Recent., & observavit in Theatina Jurisdictionis 14. Maii 1708. §. Præcipua ratio cor. Scotto.

- 3 Reponere non juvat, quod in concernentibus Animarum Curam, & in Spiritualibus valeat Ordinarius explicare suam jurisdictionem etiam in exemptos absque ulla nullitatis labe: Principio enim advertendum est, quod non omnes prætensiones, à Fiscali Cracoviensi suscitatae contra nostrum Generalem pertinebant ad Spirituale. Immo primæ molestiæ respiciebant tum solutionem assertarum decimarum faciendam Cyrillo Zuchovski, tum revocationem juris creandi Notarios, & computationem Privilegii Prothonotariatus, tum demum finem juris deputandi Fiscalem, & extendendi pænas contra Regulares sui Ordinis, tum abrogationem pænarum in illarum præd. Religioso Cyrillo Zuchovski, ut videre est *ex nostro distributo Sum. n. 49. lit. A. ad lit. H.* Sicut autem hæc omnes prætensiones, siue Actus nil commune habebant cum Cura Animarum, respiciebantque regimen temporale ipsius Ordinis ex dispositione juris, & possessione Facti spectans ad Generalem, ita firmiter remanet, easdem molestias, & Actus non nisi in vilipendium exemptionis potuisse traduci ab Episcopo in Curia sua, ideoque merito esse circumscribendos: Cæteri vero actus, utcumque concernerent Animarum Curam, & Spirituale Gubernium, semper tamen & ipsi redeunt coinquinati labe Nullitatis. Firmato enim in præd. Allegat. nostra quod Curam Animarum, quod Monasterium Miechovien sit caput Ordinis, ibique resideat Generalis Præpositus, jam in proclive est, ut nequaquam Curam Animarum ullam sibi posset arrogare jurisdictionem Episcopus, sed hæc omnimode etiam in pertinentibus ad d. Curam Animarum competere ipsi Generali Præposito tum attentata Conciliari Sanctione, & Benedictina Constitutione, tum inspecta jugiter retenta, eaque pacifica d. nostri Generalis Possessione, ut fugatis equivocis contrariis abunde probavit eadem nostra Allegatio, ac fusius demonstravit Resp. nostra.
- 4 Et ex alia etiam ratione circumscribendi sunt isti contrarii Actus, & Man-

& Mandata. Gesta enim illa fuerunt, postquam præsentatum fuerat Fiscali Cracovien. Monitorium nostrum exportatum ab A.C. super exequutione Privilegiorum Apostolicorum, nec non super Manutenzione in Possessione Exemptionis ab omni-
moda Ordinarii Cracovien jurisdictione cum specialissime *in-
serta inhibitione*, ne quidquam è contra innovaretur, eoque minus idem Præpositus Miechovien, & Fratres Ordinis sui molestarentur, ut in *Summ. n. 50. lit. C., & n. 51. lit. B., & D.* Nemini vero dubium esse potest, quin contrarii Actus, & Man-
data relaxata in contemptum Authoritatis, S. Sedis, & adeo disertæ inhibitionis apertissimo subsint nullitatis vitio, ideoque sint circumscribenda. Potissimum quia, & ipse Reverendissimus Nuncius Apostolicus, ad quem Principales undique divexati confugerant, illorum Actorum, & Mandatorum Nullitatem conspiciens evidentissimam, *eadem omnia Mandata, Citationes &c. alias ATTENTATE, ET IN SPRETUM AUTHO-
RITATIS S. SEDIS EMANATA suspendit* = ut pandit de-
cretum recolen, in *dicto Summario num. 52.*

- 5 Et Potiori quidem jure; Nam in præf. Alleg. nostra quoque Curam Animarum probatissimam fecimus injustitiam horum Mandatorum. Quamobrem cum nullitati comes accedat etiam injustitia, hinc ne momento quidem temporis hæsitandum diu est, ut PP. Reverendissimi circumscriptionis gladio tollant eadem contraria mandata ad eliminandas ulteriores in nostrum Reverendissimum Generalem, nostrumque Sanctissimum Ordinem Episcoporum Vexationes.

Quare &c.

Dominicus Franci.

R. P. D.

A Z E D O

*Cracovien. Exemptionis
Super Circumscriptione*

PRO

Rmo D. Matthæo Buydecki Prapósito
Generali Canoniorum Regularium
Ordinis Sancti Sepulchri.

CONTRA


Rev. D. Promothorem Fiscalem Curiae
Episcopalis Cracovien.

592
Faci.

Typis Lazzarini 1777.

Dominicus Franci.

to
a
2
2



P. P. DOM KSIĄŻKI
— ANTYKWARIAT —

* 008290



